

金史詳校

金史詳校卷首

金源一代年祀不及契丹與地不及蒙古文采風流不及南宋然考其史裁大體文筆甚簡非宋史之繁蕪載述稍備非遼史之闕略敘次得實非元史之譌謬廿餘年來兩窗鐙夕手此一編讀凡十餘過校勘小詳楮墨漸積成書計十卷不揣固陋敢希問世聊序卷端以誌歲月附題長句云閑消我有埭簾風寓墨金源舊事叢野史功臣慙褚補圭齋諍友悔劉通書鈔冷局讎難徧字訂譌傳擬未工長此一編深篋底敢言載筆附羣公辛未春日北研識

例言

金史有元至正四年甲申祖刻本卽江浙板又明嘉靖萬
厯南北兩國子監本迨

國朝有康熙二十五年重修北監本乾隆四年

武英殿本又有奉

旨改譯本每卷後附攷證數則其改定處精核詳盡並行
畫一遵守毫無遺憾惟是佔畢旣久間有一得不忍自棄
錄存以備芻蕘之采

余先讀南本次校北本及諸本又從吳門蔣槐堂借校元
本因爲之辨體裁攷事實訂字句得其譌謬衍脫顛倒諸
處約四千餘條錄本以藏名曰詳校其間各本皆譌者則

曰某字當作某各本互譌者以南本爲主則曰某字元作某是北作某是或云某字元作某非北作某非各本俱脫者則曰當加某字各本互脫者亦以南本爲主則曰元有某字元無某字或云北有某字北無某字各本俱衍者則曰某字當削各本上下文顛倒者則曰某當改入某

凡局官修史成非一時體例不同作非一手優劣互見傳非一刻亥豕不免原其病有三一曰總裁失檢凡七科一曰纂修紕繆凡六科一曰寫刊錯誤凡七科今分類摘出略見大例於卷首

總裁失檢

紀載非體 章紀泰和四年前代帝王云云當入禮志八
又五年時宋殿帥云云當入僕散揆傳 完顏匡傳
其遺詔云云當入衛紀 徒單鑑傳自中都云云當入
官志兵部

顛倒年月 哀紀天興二年辛巳官奴一段 刑志承安
二年一段 又泰和二年一段

傳次先後 六十八卷阿魯補傳當次骨赧傳後 七十
四卷文傳當次京傳前 七十八卷劉萼傳當次劉箐
傳後 九十一卷移室懣傳當入忠義蒲睹傳後 九
十二卷盧庸傳當次一百四卷蒲察移刺都傳後 九

十五卷蒲察通粘割斡特刺程輝及九十六卷黃久約
四傳當次八十八卷移刺道傳後 九十六卷梁襄傳
當次九十七卷韓錫傳後 一百二十二卷黃摑九住
傳當次上卷宋展傳前 又烏林荅乞住陀滿斜烈尼
厖古蒲魯虎三傳當次上卷高錫傳後 又兀顏畏可
傳當次本卷完顏六斤傳前 又兀顏訛出虎傳當次
本卷從坦傳前 又粘割貞傳當次本卷納合蒲刺都
傳後 一百三十一卷方技馬貴中武禎李懋胡德新
四傳當在前劉完素張從正李慶嗣紀天錫張元素五
傳當在後

附傳非例 宗本傳後附蕭玉當入佞倖 僕散揆傳後
附抹撚史挖搭當入忠義 撒合輦傳後附強伸當入
忠義 奴申傳後附崔立當入叛臣 張覺傳後附張
僅言當附敬嗣暉傳後

複漏世系 宗強傳子阿瑣阿瑣傳又云宗強之幼子

石土門傳子思敬思敬傳又云神土懣之子 阿离合

懣傳子幹論晏傳又云阿离合懣次子 宗雄傳子按

答海按答海傳又云宗雄次子 阿离合懣傳末贅也

子宗尹後失載宗甯幹論子宗道宗甯傳云阿离合懣
之孫宗道傳云訛論之少子 夾谷謝奴傳末不言子

查刺查刺傳父謝奴下不言自有傳 烏延蒲轄奴傳
子查刺查刺傳又云蒲轄奴子

濫傳可削 蕭拱傳止敘彌勒穢事 尤虎筠壽傳止敘
毬杖細事 完顏閭山傳事不類據贊似本無此傳

烏古論禮傳止敘官爵

一事數見 四見者撒合輦中京見哀紀正大四五年撒
合輦傳赤盞尉忻傳陳規傳 三見者賜亮生日見海
陵紀悼平后傳大興國傳 辯論廢立見海陵紀胙王
元傳唐括辯傳 按察大王見海陵紀胙王元傳張通
古傳 女直進士見世宗紀大定二十六年夾谷衡傳

尼厖古鑑傳 戶部鄧儼見章紀明昌元年鄧儼傳徒
單鑑傳 章宗遺詔見衛紀元妃傳僕散端傳 至一
事兩見者不勝枚舉其文或大同小異或並存一削各
見本文

纂修紕繆

文無限斷 左企弓虞仲文曹勇義康公弼四傳多雜遯
事 張中彥宇文虛中王倫三傳多雜宋事 宗望闕
母傳語在宋事中 張邦昌傳宋史有傳 僕散忠義
傳是爲宋孝宗 官志三一金格 移刺蒲阿傳十二
金軍 白華傳三金軍一金制 國用安傳二金朝

年次脫誤 夾谷謝奴田灝溫迪罕蒲睹納蘭綽赤四傳
全不紀年 王伯龍傳紀年皆誤 徒單四喜傳錯記
一年

互傳不合 章紀明昌五年詔載琪傳中馬琪傳不載乃
見河渠志 又泰和二年事載從彝傳霍王從彝傳無
文 河渠志漕渠事見漕渠乃見盧溝河 胥鼎傳語
在德升傳烏古論德升傳無此語 王政傳子遵古有
傳遵古乃附見子庭筠傳 窩斡傳語見鶴壽傳鶴壽
附見鄆王昂溫迪罕蒲睹傳忠義列傳乃紇石烈鶴壽
王浩傳三人有傳忘去宋九嘉劉從益

闌入他事 幹魯傳入酬幹事 宗望傳入遼和尚道溫
事 納合椿年傳入紇石烈良弼事 蘇保衡傳入傳
慎微事 李復亨傳入趙秉文事 完顏綱傳入承裕
完顏匡尤虎高琪事

文筆穉累 海紀迪輦阿不者蕭拱也 衛紀胡沙虎紇
石烈執中也 食貨志如不欲食啖 幹魯古傳闌哥
亦宗室子也 宗雄傳以宗雄等言其地可種藝也
劉昂傳李純甫故人外傳云 路鐸傳四頃之 僕散
端傳頃之無何未幾見一行中 烏古論慶壽傳三頃
之兩未幾一久之 官志太宗正府一段五泰和六年

訛可傳四初字

本名疊見 彌勒傳一百六十字八彌勒 李上達傳二百餘字八上達 馬諷傳二百六十字八諷 趙元傳三百七十字十元 石抹卞傳四百字十二卞 楊邦基傳四百字十三邦基 賈少冲傳四百餘字十一少冲 張九思傳五百餘字十二九思 徒單恭傳六百七十字二十三斜也 亨傳七百八十字二十八亨 闍母傳一千二百字三十五闍母 斜卯阿里傳一千三百字三十四阿里 蕭裕傳一千四百字三十九裕 幹魯傳一千六百字四十四幹魯 殷英傳一千八

百字四十四穀英 武仙傳二千字六十七仙 宗弼
傳二千二百字五十二宗弼 紇石烈志甯傳二千六
百字四十八志甯 宗翰傳二千七百日六十二宗翰
宗望傳二千九百字六十二宗望 紇石烈執中傳
三千字四十九執中 紇石烈良弼傳三千餘字五十
七良弼 徒單克甯傳四千餘字九十克甯

寫刊錯誤

脫載無攷 選志王安石上 劉頰傳魯道對下 李英
傳十策少一

倒脫重刊 地志息州褒信新蔡北本脫一行 禮志雜

儀世宗聖壽倒刊一行 李愈傳言甚荒唐上脫刊一行 天文志丙午月犯重刊一段 官志提舉權貨重刊一條 又南北二本總目尾頁刪去校勘十人姓名 禮志原廟及宗磐傳並有空白一頁官志倉場司後失刊尾頁五行幸元刊本具存得以攷補

小字誤大 地志慶州北至二十八字 又泰州北至二十二字 食志鹽山東舊課二百六十字 儀衛志天德黃麾仗下水碓二十二字 官志御史臺以上十二字 又都水監分治十三字興定二十八字 又大理寺自少十九字 又譏察使南遷二十字

大字誤小 地志廣甯注鎮六寨四 官志都巡河注大

定十三字 又縣君注金格一百三十七字

脫朔 太祖收國元年七月戊辰朔遼攷宋紀 天輔五年六

月癸巳朔同上 太宗天會九年五月丙申朔攷異云 熙

宗天會十四年八月丙申朔集禮 海陵貞元元年二月

庚申朔推得 十二月乙卯朔同上 世宗大定十六年二

月丁丑朔莊嚴寺牒 十七年八月戊辰朔三清觀鐵盆記 章宗

承安三年三月戊戌朔推得 哀宗正大七年七月庚寅

朔合達傳 天文志承安五年十一月癸丑朔紀 又皇

統三年正月己丑朔紀 又貞元元年十二月乙卯朔

推得紀

又閏月乙酉朔

同上

又大定十一年八月癸卯朔

又大安三年正月乙酉朔

紀

五行志皇統三年

五月丁巳朔

紀

又大定四年七月戊申朔

紀

月譌日譌

皇統元年三月

又二年四月

又四年十

月十一月

貞元二年四月

正隆二年十二月

大

定三年九月

又五年三月

又六年三月

明昌五

年二月 承安四年十一月

天眷二年二月乙未三

月丙辰

天德二年十一月乙丑

正隆元年閏月庚

寅 大定十四年四月戊子

泰和三年三月壬申朔

大安二年正月庚戌十二月辛酉

字譌 如史吏獻憲幹幹兀元部都隕頤祈祁穫獲嘉喜
左右大太下上比北蒲滿秦泰洛洛州川沔澠官宮丞
承日曰寇冠鞠鞠授受傳傳等皆連篇屢錯至于干支
方名數目及傳譌之一二見者難更僕數若字畫偏旁
積誤大抵開卷卽見頁頁都有無從細校矣

同治庚午烏程汪曰楨校寫已酉初校
寫本兵燹無存此爲第二次校寫之本

金史詳校卷一

烏程施國祁學

卷首

進金史表 不披往牒 不歐陽元圭齋集作弗

其得國也 得集作立

若置郵而傳令 令集作命是

嘗循初而汔終 汔集作迄

天會有吞四海之勢 勢集作志

勁卒擣居庸關 卒集作兵

南撿其吭 撿集作扼

席卷雲朔 雲集作河非

通宋人以偪河淮 以偪集作而逼

冒萬險 險集作死非

爰及世祖 爰及集作及我

勞來遺黎 來集作徠

撤武靈之舊趾 撤集作徹

若此貞符 貞集作眞

變故多而舊史闕 史北監本作吏非

耆艾沒而新說訛 訛集作譌

修史官員 朝請大夫 請北作議

目錄上

世祖簡翼皇后 簡翼已作翼簡

禮志

輩魯 當加注孫効者

本傳

麻頗注子謾都訶 訶當作本北作謾都無本字非 又

謾都下當加注孫惟鎔

昂注本名吳都 吳都已作烏特

宗賢 案史目兩傳同名者如此宗賢名阿魯與七十卷

宗賢名賽里七十六卷杲名斜也與八十四卷杲名撒

离喝七十六襄名永慶與九十四卷內族襄名唵七十

二卷婁室與一百十九卷完顏婁室大小中三人七十

三卷阿鄰與一百三卷完顏阿鄰姓郭八十八卷移刺

道名趙三與九十卷移刺道名按皆重見惟六十五卷
昂名吳都與八十四卷昂名奔賭六十六卷撻懶與七
十七卷撻懶名昌亦同名列傳者而總日子目皆作奔
賭撻懶傳始作昂昌字猶之兩目之撻懶內族襄而傳
乃作特進撻懶丞相襄並繫總裁未能畫一

膏 已作膏元作膏

注本名阿里 元本里下有刺與世紀補合

留可

當加注詐都

本傳

治訶注子阿魯補 子字當削阿魯補三字當升作大字

本傳

元 已加注本名常勝

目錄下

宗翰注子斜哥 子當作孫

左企弓 虞仲文注曹勇義康公弼附 左泌注弟淵姪

光慶 當併作一條作左企弓注虞仲文曹勇義康公

弼附子泌淵孫光慶

撻懶 當作昌注本名撻懶

本傳

劉萼 當改次劉筈後

張中孚 中北作仲非

光英 此後當加元壽

本傳

奔賭 當作昂注本名奔賭本傳

烏延查刺 當改子查刺注于上烏延蒲轄奴下

內族襄 當加注本名俺

王賁 當加注弟質

溫迪罕締達 當加注子二十

許可 當加注陳哥附

古里甲石倫 當加注粘葛全周附

內族思烈 當加注王仲澤附

紇石烈牙吾塔 當加注康錫附

賽不 賽上北有完顏二字與子目合 又當加注楊居

仁附

蒲察官奴 當加注冀禹錫附

國用安 當加注張介附

武仙 當加注移刺瑗附

胡沙補 當加注撒八

特虎雅 雅字當削 太祖紀天輔四年五月完顏特虎

死焉忠義本傳特虎雅撻瀾水人案雅撻瀾水見婁室

碑及謝庫德傳總目乃誤以水名連作人名耳

即牙塔懶猛安

見納坦謀嘉傳

僕忽得 此後已加酬幹

溫迪罕蒲睹 已加注鶴壽等

訛里也 已加注閏孫史大等

鄯陽 此後已加石古乃

九住 已加注孛果速

齊鷹揚 當加注楊敏中等

朮甲法心 當加注溫迪罕咬查刺等

從坦 已加注郭用

女奚烈斡出 已加注王謹

梁持勝 已加注賽不等

移刺阿里合 已加注孔祖湯

完顏陳和尚 已加注斜烈

楊兀衍 兀北作沃是 又已加注劉興哥等

姬汝作 當加注楊鵬

禹顯 已加注張邦憲等

馬慶祥 已加注胥謙等

烏古孫奴申 已加注阿虎帶等

蔡八兒 已加注毛佺等

溫敦昌孫 已加注胡失打

劉完素 張從正 李慶嗣 紀天錫 張元素 馬貴

中 武禎 注子兀 李懋 胡德新 當作馬貴中武

禎子

李懋胡德新李慶嗣紀天錫劉完素張元素張從

正 案本傳序次馬貴中等當在前劉完素等當在後

又完素等五人世次亦紊今攷定如此

又案完素

守真

元素

潔古

海世朝人從正

子

衛宣朝人明王禕忠文贈葛

仲正序云說者以爲醫學視時盛衰而爲損益守真子

和值金人強盛民悍氣剛多用宣洩之法其衰也兵革

之餘民勞志困潔古明之

即李杲金末人元史有傳

多加補益之功

其論似是而時代則非承此目之誤也明人讀古書心

最粗略據總綱輒肆妄論義烏已啟其端矣

秉德 已加注本名乙辛

紇石烈執中 已加注本名胡沙虎

總一百三十五卷 此後元本有校勘 臣彭衡 臣倪中 臣

麥徵 臣岳信 臣楊鑄 臣牟思善 臣卜勝 臣李源 臣揭模

臣丁士恆計四行凡三十四字

卷一

世紀

曰白山部 北魏書勿吉傳國有大水濶三里餘名速末
水南有徒太山魏言太白

混同江亦號黑龍江 洪皓松漠紀聞長白山在冷山東
南千餘里黑水發源於此舊名粟末河契丹德光破晉

改爲混同江齊召南水道提綱松花江下云活同凡河
卽混同江有四源出黑山之西麓黑山在長白頂之東
北百四十里其源又合數水西北曲而南流四百餘里
有松嘎里烏喇卽松花江自南來會卽古名混同江也
案金源本黑水部此江又出黑山當時土人或有黑龍
之稱自與塞外無涉故史文止云亦號耳而楊賓柳邊
紀略辨兩江源流相去甚遠以駁紀誤非矣提綱又云
黑龍江卽古漠北之黑水靺鞨室韋所居其上源卽元
時斡難河自喀爾喀西界內小肯忒山東麓東北曲流
合支水五十餘約行二千餘里至昂衣得河始名黑龍

江又東北復東南流合支水百餘約行四千餘里而松
花江自西南來會據此知上源道里殊絕若二江一名
史官不應遺誤至此

始祖居完顏部僕幹水之涯 幹當作幹

獲耶律謝十

獲當作殺

太祖紀

乃使梁福幹荅刺 幹當作幹

獻祖 五年增諡獻祖 獻北作憲非

昭祖 天會十五年追諡成襄皇帝 五當作四 案大

金集禮載天會十四年八月丙申朔禮官庚戌上議丙
辰禮成禮志亦云丙辰奉上九代祖妣尊諡廟號則在

十四年無可疑者紀中自此後並云十五年至后妃傳
凡書追諡無一言十四年者皆譌

景祖 乃留石顯於邊地 留石顯傳作流非

先遣同幹 幹當作幹

善啄物 啄北作啄非

遼咸雍八年 八當作十

世祖 肉脹咽死矣 脹元作張

歡都在破烏春等 在當作往

天會十五年 五當作四

肅宗 大安八年自國相襲位 此下當加年五十一

二年癸酉 案是歲爲遼道宗大安九年肅宗襲位始自
稱元故變文書之下穆宗康宗稱元同

伐尼廐古部 元作泥廐北作泥廐

肅宗卒 此下當加年五十三

天會十五年追諡穆憲皇帝 五當作四 帝下當加廟

號肅宗

穆宗諱盈歌 案高麗史明孝七年東女直太師盈歌來
朝

遼重熙二十一年癸巳歲生 一當作二

乃援創 創已作槍

特賜物來 特元作持是

穆宗卒 案穆宗卒於癸未歲遼史天祚紀在乾統元年

辛巳歲譌趙氏陔餘叢攷据遼史駁此紀亦非

天會十五年 五當作四

康宗 乾統五年癸未 五當作三

十一年癸酉 酉已作巳

附世紀年表

辛酉 宋真宗天禧五年
遼聖宗太平元年 景祖生

己卯 宋仁宗寶元二年
遼興宗重熙八年 世祖生

壬午 宋慶曆二年
遼重熙十一年 肅宗生

癸巳

遼重熙二十五年

穆宗生

辛丑

遼清寧七年

康宗生

戊申

遼道宗咸雍四年

太祖生

甲寅

遼咸雍十年

景祖卒世祖襲

乙卯

遼大康元年

太宗生

壬申

遼大安八年

世祖卒肅宗襲始稱元

甲戌

遼大安十年

肅宗三年卒穆宗襲稱元

癸未

遼天祚乾統三年

穆宗十年卒康宗襲稱元

癸巳

遼天祚三年

康宗十一年卒太祖襲稱元

卷二

太祖紀

仁明莊孝

當作睿神莊孝仁明

集禮

世祖與臘醅麻產戰於野鵲水世祖被四創疾困 當作

景祖與謝野亭堇戰於拔里邁灤旋師至部疾困 案

世紀世祖野鵲被創在遼道宗大安六年庚午太祖生

於戊申計年已二十有三安得有下文坐太祖於膝循

其髮而撫之曰此兒長大吾復何憂十歲好弓矢甫成

童卽善射等語決爲景祖甲寅年事乃遼咸雍十年時

太祖方七歲始合

以財殺人 財北作賊非

衆曰吉 衆下元有皆字是

撫諭幹忽急賽兩路 急當作忽

幹魯古傳

遣宗幹止之 幹當作幹

且稱帝因勸進 當作且勸進因稱帝

蕭乂里 乂元作紂

方壞陵道 陵元作凌

幹魯敗遼兵 魯下當加古

斬統軍婁寶於陣 幹魯古傳及遼史天祚紀皆作寶婁

收國元年

乙未 宋徽宗政和五年遼天祚天慶五年

七月戊辰 此下當

加朔

據遼朔考宋徽紀下八月同

弟斜也爲國論勃極烈 論下當加景 案景本傳作景
勃極烈撤改傳作國論景勃極烈乃以景而兼國論者
八月戊戌 此下當加朔

熙宗天眷二年以黃龍府爲濟州 地志作三年

徑渡如前 此下當加命古撒喝攻保州

二年

丙申 宋六年

韋室 當作室韋

兀惹

兀北作元非

天輔元年

丁酉 宋七年

拔顯州乾懿豪徽成川惠等州

皆降

案紀下文七年正月宜錦乾顯成川豪懿等州

皆降與遼史屬國表保大三年正月遼興軍宜錦乾顯

成川豪懿等州降金合此則謀夏錄所云焚掠成懿豪
惠等州又破乾顯等州乃僅遭殘毀已降復叛耳亦見
韓魯古傳

是月宋使登州防禦使馬政至願界下邑五十二字當

改入二年閏月以國書來文下徐夢莘三朝北盟會

編宋徽宗政和七年丁酉八月高藥師等渡海空回至
次年戊戌重和改元四月二十七日始遣馬政等行八
月四日下海閏九月九日達北岸二十七日至金人所
居案太祖實錄當略載交宋事而史官修帝紀必詳
其始偶見會編始於丁酉卽錄繫此年末而不知適先

一年 又會編所紀年月明白可據紀下諸誤仿此改

正 又本文已錄次年閏月下不再列後並仿此

二年

戊戌宋重和元年遼八年

二年誤作三年北作二年不誤

使散觀如宋

至

得者有之

二十三字當改入下十月各

以所部爲千戶文下

案會編重和元年女眞發勃海

一名李善慶熟女眞一名小散觀生女眞一名勃達三

人齋國書以十二月二日至登州且紀下三年六月散

觀還自宋若如宋在正月無因留滯年餘之久

命間哥

間已改闕與元本合北作聞非

案闕哥卽闕

母會編作蟾目大王乃音之轉耳

三年

己亥 宋宣和元年遼九年

正月

案遼屬國表正月金遣烏

林贊謀持書來迎冊禮紀略

宋使馬政及其子宏來聘 十字當削 案會編宣和九

年三月宋止遣呼延慶用登州牒去別無使事且政宏之使自在明年九月與紀四年十二月事合非此時事

宋使還 三字當削

復遣孛堇辭列曷魯等如宋 十一字當改入四年七月

上至自伐遼文下 案會編宣和二年七月丙辰金遣

斯敕習魯大迪烏來許燕地九月戊午辭宋差馬政及子擴隨行十一月丙寅至三年正月金復遣曷魯大迪

烏來議夾攻十一月曷魯自海上歸會編尙詳曷魯往來凡兩次紀文主簡連下二月宋還文凡一次茲故略其中間特從其首尾改訂之

四年

庚子宋二年遼十年

二月辭列曷魯還自宋 二月當削

下七字當改入五年末赴闕文下 說已見上

宋使趙良嗣王暉來議燕京西京地 十四字當改入本

年四月文下 案會編宣和二年三月六日良嗣等奉

使二十六日泛海四月十四日抵薊州關下紀不合先

書 又程史云予讀北遼遺事見良嗣與王瓌使金隨

軍攻遼上京破有詩云建國舊碑胡月暗興王故地野

風乾回頭笑向王公子騎馬隨軍上五鑾卽此

九月燭隈水部

至

以叛

二十一字當改入五年七月師

師而西文下

案忠義傳酬幹僕忽得二人往墮古河

籍軍被殺乃謀取中京耳紀上方取上京回安得卽有

籍軍事必在五年余賸旣降決議親征之後

戊寅命幹魯

至

以討實里古達

戊寅當作十月

十九

字當改入五年十一月文上

五年

辛丑

宋三年

遼保大元年

正月幹魯

至

餘悉撫定

正月當

削幹下二十一字當改入六年正月遂下澤州文下

案上年命討事旣改入本年十月此亦應改入下年

且據幹魯傳亦云討平師還卽從都統果襲西京尤合

六月癸巳

此下當加朔

遼攷

十一月辛丑

一當作二

案遼朔考十一月壬戌朔安

得有辛丑甲辰戊申等日

六年

壬寅 宋四年遼二年

降奚部

部北作都非

悉已撫定 已元作以

三月

案遼屬國表三月羣牧使謨魯幹歸金殿前點檢

耶律高八歸金紀略

是月遼秦晉國王耶律捏里卽位于燕

是月當作丙子

案遼紀會編爲三月十七日

金肅西平二郡 西平當作河清 案杲傳亦作西平而
遼地志西京道有金肅州河清軍宋史夏國傳先是金
人遣使夏國許割天德雲內金肅河清四軍弔伐錄天
輔七年三月宋回書云夏國自去歲已輒占金肅河清
兩軍

是月耶律捏里卒 是月當削 案遼紀會編爲六月二
十四日卽上文辛亥

敗契丹奚漢六萬 漢下當加兵

七年 癸卯 宋五年遼三年 田顯 顯當作顯 本傳

戊午 案弔伐錄三月戊午命馬同權管勾燕京事將以

其地付宋故也紀略

耶律麻哲余睹吳十鐸刺等謀叛

哲下當加告

希尹余睹傳

案遼屬國表天慶六年四月族人痕孛鐸刺吳十撻

不也道刺酬幹平甲盧僕古闢离刺韓七吳十那也溫

曷魯十三人皆歸金國其鐸刺當卽弔伐錄使宋之耶

律鐸刺亦稱王度刺者惟其中有兩吳十

從金人文字卽胡什乃異

稱此文下止杖鐸刺不及吳十至後熙紀天眷二年六

月復書吳十謀反未審與此吳十爲一人爲兩人

上召余睹從容謂之曰

至

吾不汝疑

八十字當削改作

上召余睹戒諭之

案文全與余睹傳複

余睹皆戰慄不能對 皆當作等

余睹傳

宋使盧益 此上當加丙寅

弔伐錄

七月 此下當加阿買勃極烈辭不失薨

本傳

戊申上崩 遼天祚紀書於保大四年非

甯神殿 此上當加建

天會三年三月上尊諡曰武元皇帝 案禮志作十二月

二十五日上諡曰大聖武元皇帝

攷異云

贊 金有天下百十有九年 案目錄金九帝起太祖收

國元年乙未盡哀宗天興三年甲午百二十年此復言

百十有九年者乃蒙古史臣削去哀宗天興甲午十日

耳紀錄未免矛盾 又他書或稱百十有八年者以丁

酉為元稱百十有七年者以戊戌為元詳金元雜興太祖建元詩注

卷三

太宗紀

挈懶氏 挈元作挈

收國元年十月 十已作七與元本合

天會元年癸卯 宋宣和五年遼保大三年 其以便宜從事 其以北

作以其非

二年甲辰 宋六年遼四年 興中府降 案此在十月遼天祚紀

八月國舅詳穩撻不也筆硯祇候察刺降金又屬國表

九月建州降金紀並略

詔以米五萬石給撻懶實古迺 案二傳皆不載

三年

乙巳 宋七年
遼五年二月亡

宋遣使賀卽位 六字當加作辛

丑朔宋遣使賀卽位改入後六月文下 案此宋使紀

文附正月末第攷許亢宗奉使行程錄三十五程至和

里間寨時當仲夏又言榜額曰乾元殿而紀下三月乃

云始建乾元殿皆不得繫正月末可知又據交聘表辛

丑宋許亢宗賀卽位夫辛丑爲六月朔遼朔攷宋徽紀

並同則與仲夏乾元殿合矣若宋紀在宣和六年七月

乃宋人命使之日不足據

婁室獲遼主 案會編引北征紀實定爲粘罕所獲而以
亡遼錄茅齋自敘等書爲非乃傳聞之譌

分授所徙烏虎里迪烈二部 烈下當加底

破宋河東援兵于汾河北 此下當加壬戌上太祖尊諡

禮志

四年

丙午 宋欽宗靖康元年

始朝日 此下當加夏遣使來賀

表

董才 秀水閒居錄云政和末契丹燕雲叛有董龐兒者
率衆爲劇寇蔡京領三省遂招龐兒許以燕地王之龐
兒上表自號扶宋破虜大將軍董才後歸朝賜姓名趙
詡者是也據此紀是才又嘗降金賜姓完顏氏矣

問宋取首謀平山童貫譚稹詹度及張覺等 案弔伐錄

又有李應衛甫趙仁彥

宗望許宋修好 此上當加丙子 表

攻下隆德府 此上當加乙卯

宋紀

大敗宋人於西都谷 人元作兵是

錢伍百萬 伍元作五是

蕭仲恭使宋還以所持宋帝與耶律余睹蠟書自陳 案

會編云又與遼梁王書爲粘罕游騎所得

宗翰伐西京 伐元作發是

閏月 案靖康紀聞拾遺金天會四年閏八月而中國乃

閏十一月蕃漢不同如此然此紀仍閏十一月紀聞誤

敦勸農功

此下當加是歲始建尙書省

官志韓企先張通古傳

五年

丁未宋高宗建炎元年

高麗王遣使來賀

王已作夏與元

本合

立宋少宰張邦昌

少當作太

本傳

趙州降阿里刮徇地濬州

當作阿里降趙州蒙括徇地

濬州

六年

戊申宋二年

韓魯入馮翊

案婁室碑云子七人次韓

魯迭刺部節度亦見石古乃傳與列傳者不同

七年

己酉宋三年

以南京留守韓企先

南當作西

本傳

以麟府豐三州降 案豐州卽天德軍屬西京路麟府二
州自五年割以與夏此復受降至熙宗皇統六年以邊
地賜夏國乃復與耳亦見張奕傳

破晉甯軍 至盡殺之 六十九字當作破晉甯軍殺其守

徐徽言及統制孫昂等 案此傳與婁室傳復且文繁

非紀體是實錄未刪之藁又於金紀而詳宋事

與元史
太祖紀

二十二年所載金
臣愛申死事同乃史官失於限斷之故再攷宋高紀

建炎三年正月粘罕陷徐州守臣王復及其子倚死之
劉昌詩蘆浦筆記詳載其事在徽言前一月而紀不書
於粘罕何諱於晉甯何詳甚矣史事之難也 又粘罕

自前年會濮後宋紀詳載其犯東平降濟南陷襲慶等
事是年正月降徐州復又載其趨淮甸至泗州犯楚州
過揚子橋入眞州焚揚州陷京東諸郡等事本傳亦載
一二紀皆不書夫國家於強臣悍帥申其罪當不沒其
功乃粘罕反謀未著熙宗旣不明正厥辜而史臣於實
錄中盡削其闢土開邊之績何以取信後世哉至元人
修紀尤不足責

三月己卯朔 案宋高紀是年閏八月今從此月朔順推
至九月丙午朔得二百八日有閏無疑事略不書

高貞罷

貞當作楨

本傳

拔离速等襲宋主於揚州 案穀英傳此下有拔离速追

宋孟后於江南穀英趨潭州等文紀略

治甯州 甯上當加會

八年

庚戌宋四年

詔曰婁室

至

其戮力焉

三十八字當改

作詔從之 案文與睿紀複

九年

辛亥宋紹興元年

撫定鞏洮河樂西甯蘭廓積石等州

睿紀阿里補傳同樂州廓州乃宋地見杲昂高彪等傳

五月

當是丙申朔

攷異云

十年

壬子宋二年

聞鴨綠混同江暴漲

綠元作淥

分遣鵠沙虎等十二人 二元作三

十一年

癸丑
宋三年

趙梈誣告其父昏德公謀反梈及其

劉文彥伏誅

蔡偉北狩行錄癸丑六月二十四日沂

王梈駙馬都尉劉文彥首告謀反於金國偉是日聞之
莘王植駙馬都尉宋邦光徑令立聞達太上太上驚惶
未以爲然翌日遣渡河以詢虛實既濟則千戶孛堇按
打曷者已陳兵河濱二逆般發往彼帳前矣盡得其所
陳之詳偉歸太上卽令親屬及一行臣僚合議徐王棣
以病不能出餘皆預已聞有不測之議至是皆悚慄偉
曰吾儕前日不死國難二帝播遷已有愧於前人不意
逆黨出於至親至愛之間捐軀効命正在今日偉身以

貫高自處願諸公盡力以徇急難少有退避者神明殛
之言詞慷慨坐皆泣下莫不感奮至七月中旬彼遣兩
使前來勘問太上遣植同儻往來使欲太上渡河辨又
遣徐王棣宋邦光再往至則尙執前議乃請淵聖及信
王榛駙馬都尉向子辰內侍王若冲同儻往實之再三
力懇彼使方許明日至行宮側就儻所寓之地而問焉
羣臣力拒往反詰問三日之間二賊氣折自承誣枉案
上彼遣前使以諭太上一面處置太上曰二子悖逆案
告微臣天倫之屬豈忍爲之使曰若如此自有宣命並
死之案紀載此事不見他傳故補注之

十二年

甲寅 宋四年

遣使來賀

此下當加以韓企先爲尙

書右丞相

本傳

十三年

乙卯 宋五年

正月丙午朔日有食之

案宋高紀紹

興五年作正月乙巳朔日食不合宋金兩史所載日食

互失者有之不同月者有之

並詳金源雜興 大明歷詩注

不同朔者

止此年據宋日官陳得一言日食八分半虧在巳初其

言卒驗則己巳朔確有可憑不應金國於丙午日復有

日食之理第據熙紀是年正月庚午卽位集禮載爲二

十五日則丙午朔又無可疑者蓋是時遼日己失金歷

未頒雖宋術小密而張致遠尙有十二月失進小餘四

月進作大盡之語則此數月之異同不若闕疑爲是
又苗耀神麓記吳乞買患中風天會十三年乙卯歲正
旦近侍扶掖而行見佛在東方從日出而現從者皆仰
而瞻禮間吳乞買問汝等見甚皆云佛像在日傍雲間
言未訖吳乞買昏仆案此非佛見乃日食耳近侍諱其
說亦一證

卷四

熙宗紀

天會十三年

乙卯 宋紹興五年

甲戌詔中外詔公私禁酒癸

酉遣使

當作癸酉詔公私禁酒甲戌詔中外遣使

九月壬申 案宋高紀是年閏二月又據集禮壬申爲九

月二日則知朔在辛未自此逆數至正月丙午朔得二

百六十八日有閏無疑

皇妣蒲察氏爲惠昭皇后 案此后史不列傳

十四年

丙辰宋六年

十四年當提行

上尊諡曰欽獻皇后 獻傳作憲

八月

當是丙申朔

集禮

爲齊劉豫回謝并生日正旦使 此下當加平章政事完

顏忠薨

本傳

十五年

丁巳宋七年

十五年當提行

宗翰薨 案攷異據本傳以爲卒於十四年者非也亦由紀文失提行之誤

叔祖暈 案世祖諸子傳提綱次室朮虎氏生沂王查刺

宗室表同 紀下天眷二年七月甲午咸州詳穩沂王暈坐與

宗磐謀反伏誅卽此

十月乙卯 案是年正月癸亥朔至次年正月戊子朔順數得三百八十五日又是月有乙卯而下文十一月丙午反在前九日推得十月必閏而宋高紀紹興七年亦無文大抵皆事略不書

天眷元年

戊午宋八年

立裴滿氏爲貴妃

松漠紀聞作徒

言卷一
單氏非而會編紹興十二年皇太后回許金劉皇后首飾則又以爲移刺矣

八月甲寅朔頒行官制 金國聞見錄天眷元年奏請定官制剖子竊以設官分職創制立法者乃帝王之能事而不可闕者也在昔致治之主靡不皆然及世之衰也侵冒放紛官無常守事與言戾實由名喪至於不可復振逮聖人之作也剗弊救失乘時變通致治之具然後煥然一新九辨復貫知言之選其此之謂矣太祖皇帝聖武經略文物度數曾不遑暇太宗皇帝嗣位之十二載也威德暢合萬里同風聰明自民不疑於物始下明

詔建官正名欲垂範於將來以爲民極聖謨宏遠可舉而行克成厥緒正在今日伏惟皇帝陛下上承孝德欽奉先猷爰命有司用精詳訂臣等謹按當唐之朝品位爵秩攷覈選舉其法號爲精密尙慮拘牽故遠自開元所記降及遼宋之傳參用講求有便於今者不必泥古取正於法者亦無徇習今先定到官號品次職守上進御前以塵乙覽恭侯聖斷曲加是正言順事成名賓實舉興化阜民於是乎在凡新書未載並乞姑仍舊貫除用討論繼此奏請臣等願惟虛薄講究不能及遠以塞明命是懼儻涓埃有取伏乞先次頒降施行荅詔曰朕

言相一
聞可則循否則革事不憚於改爲言之易成之難政或
譏於欲速審而後舉爰示不刊自先皇帝已頒明命順
攷古道作新斯人欲端本於朝廷首建官於臺省豈止
百司之職守必也正名是將一代之典章無乎不在能
事未畢眇躬嗣承懼墜先猷惕增夕厲勉圖繼述申命
講求口曰法唐宜後先之一揆至於因夏固損益之殊
途務折衷以適時合於今日累歲庶同乃繹僅有成書
掇所先行用孚衆聽作室肯構第遵祇法之良若網在
綱庶弭有條之紊自餘款備繼此施陳已革乃孚行取
四時之信所由適治揭爲萬世之常凡在見聞共思遵

守翰林學士韓昉撰詔書曰皇祖有訓非繼體者所敢忘聖人無心每立事於不得已朕丕承洪緒一紀於茲祇遘先猷百爲不越故在朝廷之上其猶草昧之初比以大臣力陳懇奏謂綱紀之未舉在國口以何觀且名可言而言可行所由卽事蓋變則通而通則久以用裕民宜法古官以開政府改號以責實效著儀而辨等威天有雷風詞命安得不作人皆顏閔印符然後可捐凡此數條皆因急務禮樂之備源流在茲期以必行斷宜有定仰惟先帝亦監微衷神豈可誣方在天而對越時由易偶若易地則皆然是用載惟殆非相反何必改作

蓋嘗三復於斯言皆曰可行庶將一變而至道乃從所
議用創新規惟茲故土之風頗尙先民之質性成於習
遽易爲難政有所因姑宜仍舊漸期胥効翕致大同凡
在邇遐當體朕意其所改創事件宜令尙書省就便從
宜施行

改燕京樞密院爲行臺尙書省 案趙元傳齊國廢置行
臺省於汴又徙大名再徙祁州此殆自祁徙燕耳

以奕爲平章政事 案奕宗室表無名集禮皇統元年上
尊號侍中三員平章奕攝又五年九月平章奕攝中書
令奉冊亦見勅傳與列傳名三寶者不同

省燕中西三京平州東西等路州縣 案地志三京州縣

省併並無天眷之文多屬皇統元二三年事而紀下

皇統年絕無此語其文乃見於此殆是年有詔至皇統
始行之 又遼志析津府下有玉河縣檀州下有行唐

縣金志無之地志薊州遵化縣注遼景州順州密雲縣
注遼檀州皆不見改併年月又許亢宗行程錄云州原
是石城縣金國新改爲清州地志灤州下亦不見改降
文据此燕京獨無當屬史官脫略 又平州地志屬中

都路文云天會十年徙軍帥司治遼陽貞元元年併隸

中都

亦見習古乃
王倫等傳

遼陽文下云十年改平州爲東南路

都統天德二年改本路則自天會壬子平州分東西路
至海陵天德庚午乃廢東路貞元癸酉併廢西路矣
奠獻於乾元殿 案地志上京注天眷元年更名皇極殿
下皇統三年三國使遙賀卽此

新宮成 案地志朝殿天眷元年建

二年

己未
宋九年

二月

當削

案正月壬午朔乙未乃十

四日

三月丙辰 三當作二 案三月辛巳朔安得有丙辰

以誅宗磐等詔中外 洪皓金國聞見錄宋充諸王之誅

韓昉作詔曰周行管叔之誅漢致燕王之辟茲惟無赦

古不爲非豈親親之道有所未宏以惡惡之心是不可
忍朕自惟冲昧嗣統□臨蓋由文烈之公欲大武元之
後得之爲正義亦當然不圖骨肉之間有懷蜂蠆之毒
皇伯太師宋國王宗磐族爲諸父位冠三師始朕承祧
乃繫協力肆登極品兼綰劇權何爲失圖以底不類謂
爲先帝之元子常蓄無君之禍心昵信宵人互爲姦黨
坐圖問鼎行將弄兵皇叔太傅領三省事充國王宗雋
爲國至親與朕同體內懷悖德外縱虛驕肆已之怒專
殺以取威擅公之財市恩而惑衆力擯勲舊欲孤朝廷
卽其所爲濟以同惡皇叔虞王宗英騰王宗偉殿前左

副點檢渾觀會甯少尹胡什刺郎君石家奴千戶朮孛
离古楚等競爲禍始舉好亂從逞躁欲以無厭助逆謀
之妄作意所非冀護其必成先將賊其大臣次欲危其
宗社造端累歲舉事有期早露端倪每存含覆第嚴禁
衛載肅禮文庶見君親之威少安臣子之分蔑然不顧
狂甚自如尙賴神明之靈克開社稷之福日者叛人吳
十稔心稱亂授首底亡爰致□□之徒乃窮相與之黨
得厥情旨孚於見聞皆由左驗以質成莫敢詭辭而抵
讞欲申三省公議豈容不頓一兵羣兇悉殄於今月三
日已各伏辜并令有司除屬籍訖自餘誅誤更不躡尋

庶示寬容用安反側民畫衣而有犯□□欽哉予素服

以如喪情可知也 案三王官封不合

宗磐傳作太保
宗英傳作滕王

宗偉傳
作虞王

且宗雋難作宗磐傳中明言赦其弟斛魯補等

九人則宗英宗偉不與此禍洪錄直載詔文不詳時事
子邁容齋三筆同 又此詔紀傳皆不載故補

烏達捕 捕當作補

諸路廉問 當作廉問諸路

三年

庚申
宋十年

六月陝西平

案宋高紀是年閏六月癸

酉朔從紀上四月乙巳朔順至下七月癸卯朔得一百

十八日中必有閏且據撤離喝傳六月敗宋兵於涇州

與宋紀閏月丙子犯涇州守臣曲汲棄城去事合則陝西之平的在閏月史文略耳

乙卯宗弼遣使奏河南陝西捷案宋高紀紹興十年七月乙卯金人攻潁昌府岳飛遣將敗之壬戌飛以屢奉詔班師遂自鄆城還軍皆潰潁昌蔡鄭諸州皆復爲金有據此安得七月乙卯奏捷且計其遣使日又當在月初矣似爲史官失實曰否蓋撻懶植檜於宋宗弼陰持之且流言擬於河南再立少帝以劫制高宗故金牌急腳之召久已密謀聞之先期奏捷機事已露至次年晝淮時詭語龍虎阿魯保云檄書投宋月餘心神不甯及

聞酈瓊之論檜爲老儒自守不服喜爲知言等事皆此老設疑自秘終不說明善求者其合觀兩史哉

詔撫諭陝西五路 案睿紀宗翰傳同五路者指永興秦鳳熙河涇原環慶而言若鄜延一路爲婁室所取者不煩撫諭

右丞相蕭慶 相字當削

爲右副元帥 此下當加是年宗強封衛王

皇統元年 辛酉 宋 十一年 正月辛丑朔高麗夏遣使來賀

案交聘表壬寅夏使請上尊號紀略

庚戌羣臣上尊號 集禮七日遣上京留守輿告天地社

稷析津尹宗强告太廟上公以太師宗幹太尉以裴滿
胡塔司徒以平章昂攝中書令二員正韓企先外以待
制昂攝侍中三員平章奕左丞昂左宣徽劉筈攝右丞
蕭仲恭攝門下侍郎參政李德固攝中書侍郎銀朮可
等四員攝中書舍人趙端甫二員攝給事中

戊午上親祭孔子廟 此上當加三月

孔璠傳

案宋高紀

三月庚子朔此乃十九日張賁東京記云掘地得斷碑
有下瞰臺城儒生盛於東觀十字皆漢文字畫莊楷蓋
國學碑也與此事合地志失載

退謂侍臣曰

至

不可不勉

四十四字又見禮志及孔璠

傳文小異

自是頗讀尚書論語 孔璠傳有左氏傳諸史通歷唐律

紀王宗強薨

紀當作衛

表傳

兼侍中

此下當加太保

宗弼傳

二年

壬戌 宋十二年

命伐高麗

當作加封高麗

表傳

宋使曹勛

曹勛當作何鑄

表及宗弼傳

壬辰以皇子生赦中外

案會編元帥第七書今年二月

二十四日赦罪集禮二十八日紀壬辰與集禮合

遣左宣徽使劉筈以衮冕圭冊冊宋康王爲帝歸宋帝母

韋氏及故妻邢氏天水郡王并妻鄭氏喪於江南 筈

下當加禮部尙書宗表 歸上當加左副點檢賽里都
轉運使劉陶等 宋高紀紹興十二年金遺完顏宗賢
劉陶護送梓宮高辰安護送皇太后來

戊午立子濟安爲皇太子 集禮三月十七日命左丞勗
告宗廟都點檢常勝告天地社稷就赴慶元宮行禮并
差待制高士談攝太常卿提控祭告禮儀給賞吏部尙
書充都點檢常勝與特進賜誥太傅宗弼銀絹二百兩
匹讀誥丞相韓企先總領裁定禮數平章昂平章奕一
百五十兩匹

丙寅 此上當加四月 案上文戊午集禮爲三月二十

五日又宋高紀四月甲子朔此爲三日

十二月 此上當加宋遣使謝封冊誓詔 案上文三月

止載劉筭脫去宗表賽里劉禰等五月乙卯賜宋誓詔

使人不書姓名下文十二月止書庚午宋遣使謝歸三

喪及母韋氏漏去十一月兩謝冊詔以兩使作一使似

宋竟不報謝封冊誓詔者其果然乎攷宋高紀紹興十

三年八月万俟卨九月王次翁

洪适隸釋三公山碑後云先公太師以使事爲

北方所留紹興癸亥政地王次翁使至燕先公兩報謝

隔垣牆與驛中人語爲覩者所得卽此使時事使不言何事兩傳亦無明文李心傳繫年要錄云一爲

正使參政万俟卨副使防禦邦孝揚一爲正使參政王

次翁副使節度錢愐會編云金人送梓宮及太后來使副十一人且併次翁孝揚二使爲一事凡皆爲國諱也要之万俟一使斷爲謝封冊誓詔者蓋筭以一人兩使高亦一人兩謝耳此諱在宋人宜然而紀文亦上脫下漏抹去謝使令人不解夫金人尙夸詞在實錄必當全書紀皆如此豈圭齋故南人爲前朝惜名分耶今攷補之如此 又會編紹興八年云先是上幸海道得開圖書匠舒通能刻金銀銅鐵圖書取鏤塵白字上喜之鑄金爲印令刻白字爲璽由是士大夫皆用白字圖書至是遣使來有鑄金成寶文曰御前之寶乃白字也舒通

之刻豈偶然耶案此金寶卽金人冊宋康王之一物曾

編不載於此年而預記於張通古詔諭使中亦詳筆也

三年

癸亥 宋十三年

五月丁巳朔

此上當加問月癸巳月

掩軒轅左角

天文志

又當加置黃沁都管勾

地志

庚辰太原路進獬豸并瑞麥 五行志作丙寅

謚太皇太后曰欽仁皇后 集禮八月翰林待制高士談

撰謚冊文

日有食之 此下當加改葬陳王希尹追贈儀同三司邢

國公

本傳

四年

甲子 宋十四年

十有二莖莖皆七穗

八字當削案

與五行志複

五月辛亥朔次薰風殿 案上二月下九月皆云上如東京中間無至自東京語卽此次殿是也地志上京路注有薰風殿

九月乙酉 當作己酉朔 案上六月辛巳朔順推得十月 當削 案下文乙卯辛酉癸酉皆在九月

十一月壬辰 一字當削 案下文甲辰地震五行志尙云十月

至東京 此下當加是歲始定始祖以下十帝陵號

世紀

五年

乙丑 宋十五年

初用御製小字

案集禮皇統元年賀

表云代上古結繩之治造金人合契之書至此年始頒用

十月辛卯增諡太祖 十下當加一 案禮志云三日

閏月 案禮志云是歲閏十一月宋高紀同

丁巳赦 此下當加是歲罷遼東漢人渤海猛安謀克承

襲制

兵志

六年

丙寅十六年 宋

殺宇文虛中及高士談 案中州集士

談有丙寅刑部詩卽此

以許王破汴睿宗平陝西鄭王克遼及婁室銀朮可皆有
大功並爲立碑 二十八字當改作許王宗望破汴冀

王宗輔平陝西鄭王幹魯克遼及莘王婁室蜀王銀朮
可皆有大功並爲立碑 案許王指宗望鄭王指幹魯
破汴不止宗望尙有宗翰克遼不止幹魯尙有斜也宗
幹據宗翰是時或以陰謀不錄而斜也宋幹何緣被削
且有功如婁室銀朮可者尤不止此兩人豈此五人外
餘皆已立碑耶殊不可解諸傳皆不載立碑事然攷大
定詔書云其未立碑者立之卽今婁室一碑歸然故在
東海上事非無稽矣文內不稱伐宋而稱破汴者良爲
睿宗平陝西故也此錄蓋進於大定史臣之手并翼王
字亦追改之又婁室銀朮可亦受王封今俱失載未免

義不該而文不備故改訂之如此

七年

丁卯 宋十七年

翰林侍制邢具瞻

中州集有詩卽撰

天眷三年九月駕幸燕京導引曲者見樂志

高鳳廷

集禮皇統五年增諡太祖六月二十九日差吏

部員外郎高鳳廷造匣盞牀卽此

行臺右丞相劉筈右丞蕭仲恭爲平章政事

案筈傳不

載

八年

戊辰 宋十八年

以左宣徽使稟爲尙書左丞

案海紀

天德元年十二月罷非韓州刺史名尙者

九年

己巳 宋十九年

隨辨入室宮門 室元作至是

改葬於峨眉谷仍號思陵 周必大思陵錄淳熙十五年十二月癸酉諜報金人制曰朕惟熙宗孝成皇帝以武元嫡孫受文烈顧命作其卽位十有五年偃兵息民中外安乂而海陵庶人亮包藏禍心覬覦神器陰煽奸黨遂成篡逆而又厚加誣詆降從王封亮旣得志肆其兇殘不道之極至於殺母神怨人怒自底誅滅惟皇天眷佑於我家肆予一人纘承先緒暴其罪惡貶爲庶人仍黜其殯於兆域之外仰惟熙宗位號宜正是以間者稽合禮文升祔太室復加美謚尊而崇之惟是葬非其所蓋嘗憮然爰命有司卜地涓日奉遷梓宮於十月初八

日備禮葬於思陵庶幾有以慰在天之靈也大定二十
八年十一月日照宗卽宣也 案此制紀不載故補注
之

贊 馴致其道 道北作禍

卷五

海陵紀

年十八 八當作九

拜尙書右丞 右當作左

熙紀

拜平章政事 此下當加封岐王 案世宗紀大定二十

年上曰岐國用人禮志十九年詔岐國王亮海陵后傳

初封岐國妃合喜傳詔曰岐國失道張仲軻傳封岐國王

十一月拜右丞相 熙紀十一月辛丑爲左丞相十二月

乙卯爲右丞相

天德元年

己巳 宋紹興十九年

會編皇統九年十二月二十日

登位改元赦尙書省牒刑部門下朕惟太祖武元皇帝神武應期奄有四海以公存心天下大器授於太宗文烈厥代不忘先遜憑几宣命屬之前君以繼洪業十有五年而昏虐失道人不堪命宗族大臣叶心救之久而弗悛遂仰奉九廟之靈已從廢黜亦旣殂殞宗族大臣

咸以太祖經營締構所由垂統推戴眇躬嗣臨天下朕以宗社之重義不獲已爰於受命之初兢兢若淵冰未知攸濟尙賴股肱三事文武百寮同心輔翼以底於治宣布惟新之令以宏在宥之恩可從皇統九年十二月十一日改爲天德元年於戲嗣守丕基休於宗祏永綏縣宇尙軫黎元咨爾多方體予至意 案紀不載故補爲尙書左丞 此下當加戶部尙書張浩爲參知政事本傳

追謚皇考

集禮二年正月興聖宮行禮以太師勗充奉

冊寶大禮使

二年

庚午 宋二十年

正月辛巳

此下當加以名諱告諭宋

高麗夏國表

癸巳尊嫡母徒單氏及母大氏皆爲皇太后 集禮直學
士劉長言撰冊文禮部員外郎王競篆寶 案癸巳乃
正月十五日集禮作二十五日誤

羣臣上尊號曰法天膺運睿武宣文大明聖孝皇帝 睿

武宣文當作睿文宣武

集禮

三月丙戌宋高麗遣使賀卽位 十二字當削 案宋高

紀是年三月丙戌始遣賀卽位使紀文不合亦書是日
斷係史官率錄宋史以致譌及宋交聘表并譌及高麗
交聘表

周本國王 本已作宋與元本合

六月丙午朔高麗遣使賀卽位 高上當加宋 見上

參知政事張浩丁憂起復如故 案金國聞見錄云凡丁

家難者不以文武高下未滿日皆差海陵貞元元年十

月命父母喪聽假三日著令章宗泰和五年制司屬丞

凡遭父母喪止給卒哭假爲永制此紀下文三年蕭玉

正隆元年僕散師恭三年李通同假三日世宗紀大定

六年石琚四十五日紇石烈良弼起復如故章紀承安

元年夾谷衡二十日六年僕散端七十六日大抵朝廷

要職紀載如此至隨朝幕職州縣官皆聽其解官行服

傳載不等略與宋同

以禮部尙書蕭裕爲參知政事 裕元作玉與本傳合

九月甲午立惠妃徒單氏爲皇后 集禮九月二十一日

甲午詔立后令有司擇日備禮施行侍讀劉長言撰冊

文禮部員外郎王競篆寶至十月九日始行冊禮 案

紀及后傳但據下詔月日故與禮志受冊月日不同

尙書左丞相劉筈罷 左元作右是

乙丑命庶官 乙元作已是

詔去羣臣所上尊號 案交聘表三年九月夏使請不去

尊號紀略

三年

辛未 宋二十一年

爲宋生日使

宋上當加賀

上命徙單貞

至

紉里罕妻宮中

紉北作紉

罕已作等

六十四字當改作上納宗本子莎魯吸妻等於宮中

案文與諸嬖傳複

杖壽甯縣主徐輦

諸嬖傳作什古

四年

壬申 宋二十二年

二月丁卯立子光英爲皇太子

集禮

二月二日受冊命學士劉長言撰冊文直學士施宜生書篆冊寶平章徒單恭告天地平章蕭裕告宗廟左丞相思忠攝太尉右丞相大臬攝司徒充冊使副蕭裕攝侍中奉寶讀寶參政蕭玉攝中書令奉冊讀冊

迪輦阿不者蕭拱也 八字當削

恭之兄定哥至而并罷恭 四十五字當削 案文與徒

單恭傳複

貞元元年

癸酉 宋二十三年

二月庚申

此下當加朔

僕散師恭 師已作思

西京兵馬 此下當加都監

持环校 當作持杯琰

十二月 此下當加乙卯朔 案天文志乙卯不云朔今

推得

太白經天 案紀在閏月癸巳日下天文志作乙酉

蕭懷忠 懷忠當作好胡

二年

甲戌 宋二十四年

張暉 本傳作赤蓋暉

蕭好胡 此下當加賜名懷忠

丙戌幸大興府 此下當加四月 案上文二月甲申朔

則丙戌不得繫三月下

遣薦含桃於衍慶宮 此下當加辛卯以工部尙書耶律

安禮等爲賀宋生日使 案此据交聘表至安禮傳云

冬爲歲元使非也攷胡礪傳卽得

蕭蹟 蹟北作頤 案頤天德二年使宋見交聘表卽作

西湖行記者

十一月戊辰上命諸從姊妹

至

裸逐爲戲是月初置惠民

局高麗遣使謝賜生日

四十九字當改作十一月戊

辰高麗遣使謝賜生日是月初置惠民局案交聘表

高麗謝賜在戊辰日此紀戊辰謝賜本自連接爲海陵

記注原文無緣中間濫入他事且臥內裸逐可限以日

乎此必大定史臣迎合竄入者更雜置惠民局一事以

彌縫之而痕跡益露又興定末賈益謙有言自海陵

被弑世宗大定二十餘年禁近能暴海陵惡者輒得

美仕故當時史官修實錄多所附會在海陵固爲下流

之歸而鄭子聃輩不得辭其責矣

三年

乙亥 宋 二十五年

蕭頤

頤北作頤

以左司郎中李通爲賀宋生日使 通下當加等

僕散師恭 師北作思

冊諡永甯皇太后曰慈憲皇后 集禮十月侍講學士胡

礪撰諡議翰林學士施宜生撰冊文禮部侍郎王競

篆寶

木冰 木上當加雨

志

本北作薦非

正隆元年

丙子 宋 二十六年

羣臣奉上尊號曰聖文神武皇帝

集禮貞元三年十一月太師思忠等上表奉上奉天

崇運至孝大明淵謀睿斷聖文神武之號蒙諭從上省

去十二字餘從所請

庚辰御宣華門觀迎佛 法苑珠林降胎部引瑞應經云

太子四月八日夜明星出時生又佛所行讚云於三月八日菩薩從右脇生過去現在因果經二月八日夫人往毘藍尼園見無憂華舉右手摘從右脇出今謂世代既遙譯人前後直就經文難可論辨攷求外典如似可見春秋云魯莊公七年卽周莊王十年四月辛亥恆星不見星隕如雨檢內外典以四月爲正也 案此庚辰乃二月八日周正之四月卽今之二月故遼志云二月八日爲悉達太子生辰金承遼俗亦以二月八日觀迎

佛卽於是年十一月癸巳禁之至章宗承安四年二月
庚午復行此事紀載止此而契丹國志仍書四月八日
松漠紀聞載生日佳辰亦云四月八日此殆承宋俗故
也又珠林納妃部引因果經云太子年大父王勅下餘
國卻後二月八日灌太子頂皆可來集又出家部引因
果經云爾時太子心自念我年已至十九今是二月復
是七日思求出家今正是時然紀文止云觀迎佛耳與
遼志生辰義別其爲降胎納妃出家皆無不可

庚寅 案甲辰後已巳前安得有庚寅必有譌

二年

丁丑 宋
二十七年

追降景宣皇帝爲遼王 世紀補作豐

王

溫敦幹喝

幹北作幹非已改正

初禱銅錢

禱元北並作鑄是

十二月辛未

二當作一

案下文又有十二月

高助不古等

案史中如太祖紀大藥師奴世宗紀盧萬

家奴李蒲速越五行志高朵剌兵志張那也宇文虛中

傳杜天佛留高彪傳召和式高楨傳馮僧家奴李石傳

雖訛只完顏福壽傳張謀魯瓦等皆以漢姓而用本名

者

趙氏陔餘叢考內地人作蒙古名亦此例

三年

戊寅宋二十八年

子矧思阿不死

子上當加皇

死當

作薨

戶部尚書李通

戶當作吏

本傳

遷中都屯軍一猛安於南京

一當作八

案曹望之傳

詔賈牛萬頭給按出虎八猛安徙居南京者移刺慥阿

魯罕傳同

四年

已卯宋二十九年

雖親老丁多、多當作單

爲賀宋生日使

案宋高紀是年閏六月自上文三月丙

辰朔順數至次年正月庚辰朔得三百二十五日中必

有閏

所宰

所當作祁

五年

庚辰 宋三十年

宿州防禦使耶律翼

此上當加翰林

學士施宜生使宋泄機事烹死

本傳

見田間穫者 穫北作獲非

步軍都指揮使 都下當加副

六年

辛巳 宋三十一年

癸丑命參知政事李通

丑元作巳是

案命通諭宋使語又見通本傳

習泥

此下當加烈充傳

僕散師恭 師北作思

白彥恭 彥恭卽彥敬

完顏穀亨 亨已作英

殺右將軍蕭禿剌 右下當加衛

徒單合嘉 嘉已作喜與元本合

敗宋兵於蔚子橋 蔚阿鄰傳作渭

猛安韓棠 棠當作常

宋人攻泰州臘家城德順州克之 克當作陷 表

完顏元宜等 完顏當作移剌 傳

使小底妻室 妻元作婁是

乃詔降爲海陵庶人 案世宗紀在大定二十一年正月

此紀略

卷六

世宗紀上

諱雍 此下當加初諱襲更 集禮大定九年正月省奏
檢討到唐會要云古不諱嫌名若禹與雨是也後世廣
避故諱同音別無迴避相類字典故今御名同音已經
頒降迴避外有不係同音相類字蓋是誤犯只合省諭
各從正音餘救切二十八字係正字同音合迴避尤救
切十六字不係同音不合迴避勅旨准奏 案此名迴
避字不概見特不可因十四年三月更令後竟削初名
天輔七年癸卯歲生於上京 歲下當加三月一日 張
楫正隆事跡云襲乃太祖第三子潞王宗輔之子亮之

從弟名褒字彥舉乙巳三月一日寅時生小字忽辣馬
卽位後改名雍 案事跡作乙巳生則在太宗天會三
年矣非也攷習不失傳得之

自長安率兵 長當作常 案常安見上文卽地志東京
瀋州挹婁縣諸嬖傳葛溫官常安令卽此

改元大定

辛巳 宋紹興三十一年

下詔暴揚海陵罪惡數十事

神麓記亮初刷國中女真五國烏熱鐵黎勃海契丹漢
兒軍自備衣甲鞍馬弓箭刀槍軍需餱糧車牛奴婢遠
來沿邊道途艱辛不肯前行皆共謀曰皇帝無道遠犯
南朝未知勝負難以歸國我等豈能就作失家之鬼乎

不若從此就近徑往東京與勃海酋豪冊立留守葛王
爲主衆云亦是太祖武元之孫有何不可於是歲十月
間入東京留守府求見大王才出廳事盡呼萬歲旣卽
位乃下詔曰前皇帝乃太祖嫡孫受文烈遺命嗣膺神
器十有五年內撫外甯近安遠至雖晚年刑戮過甚而
罪不及民前岐國王亮位叨宰相不思盡忠匡救敢行
篡弒自僭竊以來昏虐滋甚是用列其無道昭示多方
一前皇叔元帥曹國王自先朝以親賢當任止因篡位
之初自懷恐懼無故殺害一前來太宗受太祖遺命不
忘至公傳位前君諸子並當職任止因篡位懷懼將太

宗子太保國王阿魯中京留守胡里不留守阿里刺宗
正胡里嘉滕王胡沙霍王胡束鄆王神徒馬蔡王烏也
八人子嗣等七十餘口並以無罪盡行殺戮一開國功
臣晉國王孫領行省楚國王阿辛止因篡位疑懼將阿
辛兄弟子嗣三十餘口及駙馬丞相斡古剌宗室海州
刺史等五十餘口並以無罪殺戮一左副元帥國王撒
海累建功勳止因篡位之初自懷疑懼計構遙設以白
礬書假令宮外拾得令其誣告并其子御史大夫沙只
并子孫三十餘口及太祖親弟遼越國王男平章孛古
弟兄子姪一百餘口兵部尙書毛里弟兄子嗣二十餘

口太王太妃并子任王喂阿並以無罪殺戮一太祖長女公主兀魯哥係曹國王親姊因篡位無故殺害一故西京留守蒲馬甲爲是至親自懷疑懼無故殺害一開國功臣皇叔太師長子韓王臨民清正忌其聲譽令家人誣告勘問不承故意殺害一應係開國功臣祖宗時已經封贈王爵無故盡行追奪一會甯府係興王之地所建宮殿無故折毀一中都大內營造殫竭民力又復折毀南京大內再行修蓋窮奢極侈土木之功前所未有一因伊小兒病死卻將乳母并二醫人盡行誅戮一宋國講和之後臣禮不闕頓違信誓欲行吞併醫人陳

諫更不循省便行誅戮一皇叔曹王殺後嬪母國妃納
於宮中及姊妹姑姪等并應命婦有容色者恣行烝淫
一亡遼豫王子嗣三十餘口天水郡王子嗣一百餘口
並以無罪橫遭殺戮一嫡母太后曾言不可南征手自
賊殺其大逆無道古今未聞一德宗嫡孫節度使母妻
子弟并太師國王兒孫婦曹王次夫人并子及韓國夫
人并兒孫婦等並以無罪盡行誅戮一樞密使北京西
京留守因北征回並加族誅宰相亦被鞭撻其餘過惡
不可備舉前錄數條稔於聞見遂致天怒人怨眾叛親
離朕方留守東京遵養時晦四方豪傑將士吏民咸懷

言卷一
怨苦無所控告自遠而至者數十萬眾日來赴愬再三
敦請不謀同辭咸以太祖皇帝嗣孫止于一人歷數有
歸不期而會朕推誠固讓至於再三請者益堅辭不獲
已俯徇羣情勉登大寶臨御之始如履春冰宜推肆眚
之恩以布維新之令大赦天下改正隆六年爲大定元
年十月八日昧爽以前除殺祖父母父母不赦外罪無
輕重已結正未結正已發覺未發覺咸赦除之內外大
小職官並與覃恩仍委尙書省條奏施行

詔遣移刺札八 宋孝紀紹興三十二年十月甲申契丹
招討蕭鴟巴來奔卽此人

使後家奴等 後當作石 案阿瑣傳瑋傳並作石元本
誤石爲后明人復改后爲後

追尊皇考幽王爲皇帝 案世紀補封潞冀許三王不封

幽

羣臣上尊號曰仁明聖孝皇帝 集禮上尊號十二字止

受四字

李柔立死之 此下當加窩幹攻臨潢尹溫迪罕移室懣

被執死之

本傳

十二月 此下當加甲辰次海濱縣

神土懣傳

二年

壬午宋三十二年

振賜山東百姓粟帛 東下當加臨潢

蘇保衡傳

前戶部尚書梁球 族帳部曲錄廣甯府人石琚榜及第
亮時爲戶部尚書葛王立復爲戶部極有才 案球亦
作錄紀傳錯見未知孰是

壬子以太保左領軍大都督奔睹爲都元帥 案紀失書

人見日

詔降蕭玉敬嗣暉許霖等官 霖下當加高懷貞

本傳

平章政事移刺元宜 移刺當作完顏

傳

溫敦朮突刺等與窩斡戰敗於勝州 勝上當加東 案

東勝州地近西夏突刺此兵以防契丹兵西突耳與思

敬屯駐同故窩幹傳不載

以右丞相晏 右當作左

紇石烈志甯爲元帥左監軍 左元北並作右是

右副元帥庚寅 當作庚寅右副元帥

契丹老和尚降 案窩幹傳有兩老和尚此爲五院部人
那也

元帥右都監徒單合喜 右元作左

元帥右監軍徒單合喜等 右元作左

十二月 此下當加辛未以吏部郎中完顏達吉不體究

陝西利害

交聘表
西夏傳

廉察宣諭東京北京等路 此下當加詔頒新定官制

北使錄大定二年十二月詔書略云建官咸則於三代
分職仍總以六卿宣化邇遐服采內外卑高以敘名位
有倫舊式參差理宜增換冗散者并其任繁劇者益其
聯悉命司存革從允當其新定官制令尙書省鏤板施
行 又當加是歲復遼王爲景宣皇帝

集禮

三年

癸未 宋孝宗隆興元年

庚寅高麗夏遣使來賀萬春節 案

庚寅乃二月二十九日此兩國使臣到闕日也其實賀
節在三月壬辰朔下五年六年同

魏子平等九人 九當作七 案曹望之傳魏子平李滌

李愿移刺道完顏兀古出來谷阿里補及望之止七人以太子詹事完顏守道 此下當加拜參知政事兼太子

少保

本傳

河南路都統奚撻不也叛入於宋 卽宋賜名蕭琦者攷異云

宋人攻破宿州 清波雜志云隆興改元夏符離之役王師入城點視府庫金有一千二百兩銀二萬兩絹一萬二千匹錢二萬五千貫米豆共六萬餘石布袋十七萬條見符離記卽此

六月庚申朔日有食之 集禮大定三年六月一日日食

尙書省奏請依舊典故太陽虧蝕有司預奏皇帝不視事百官各守本司不治務過時乃罷自後以爲常式

爲襲封衍聖公 此下當加甲寅詔市馬夏國表

癸巳 此下當加九月 案據交聘表文又下文丁酉爲

重九日知九月己丑朔癸巳乃五日

九月丁酉 九月當削

十月 此下當加壬戌增上睿宗尊諡集禮

十二月丁丑臘 集禮三年十二月二十一日臘享命平

章事元宜攝太尉參政石琚攝司徒

以爲尙書右丞 此下當加是歲山東河南陝西始徵軍

須免役錢食志

又當加都元帥太保昂薨本傳

四年甲申

宋二年

罷路府州元日及萬春節貢獻 集禮勅

旨隨處府州軍供納正旦生辰禮物并運司每貢正旦生辰禮物綾羅三千三十段今後並行免進

宋之失信 之北作人非

二月丁巳 此下當加朔

十月癸亥朔 亥已作丑

張宏信等二十四人 案食志云十三人乃專數正使紀則兼副言也

五年

乙酉 宋 乾道元年

正月辛亥朔 亥北作卯非

三月戊申萬春節 三月當削 案此亦賀使到闕日也

上文正月辛亥朔則戊申尙屬二月

壬申羣臣奉上尊號曰應天興祚仁德聖孝皇帝 此上

當加三月 集禮大定五年正月表上應天興祚仁文

義武聖明至孝至三月始改應天興祚仁德聖孝至明

詔去至明二字七年正月始行受冊禮

十二月己丑 此下當加臘

高麗遣使賀尊號 此下當加甲辰 案紀例高麗西夏

賀貢謝別使卽隨正旦生辰使同至每先一二日入見

六年

丙戌
宋二年

三月壬寅 三月當削 案表三月甲辰

朔則壬寅尙屬二月乃使人到闕之日也

甲寅 此上當加三月

次涼陁 揚伯雄傳涼陁徼巡果有疎虞卽此

七年

丁亥
宋三年

受尊號冊寶禮 集禮六年十月九日翰

林直學士張景仁撰冊文禮部侍郎劉仲淵書篆冊寶
七年正月八日遣使奉大興尹許王告天地判宗正英
王文告太廟右丞相良弼奉冊禮

越王永中進封許王 當作許王永中進封越王

本傳

監修國史 史北作使非

十一月乙丑朔 玉海乾道二年夏日官以紀元厯推得

丁亥歲十一月朔值甲子有裴伯壽者言統元厯推是朔當進作乙丑於是改而正之 案此朔爲大明厯不用紀元之始

八年 戊子 宋四年 行皇太子冊禮 此下當加改賜名允恭

本傳 集禮翰林侍講張景仁撰冊文禮部侍郎劉仲淵

篆寶太子坐金麒麟金浮圖交椅金鍍銀栲栳圈靠背

己巳以引進使高希甫爲下國生日使 己巳表作丁卯

上嘗命左衛將軍大磐 至 出磐爲隴州防禦使 六十三

字當改作出左衛將軍大磐爲隴州防禦使 案文複

見大磐傳

及命圖畫功臣於太祖廟 及當作又

九年

已丑
宋五年

詔改葬漢二燕王於城東 中州一卷蔡

珪有辨是也

移刺道廉問山東河南 此下當加河北 案本傳有景

州刺史濟州司侯真定縣令等皆屬河北路

提點司天臺馬貴中爲高麗生日使 此上當加丙辰 表

有攬中官物 中官當作官中

辛丑獵於近郊 丑下當加臘

十年

庚寅
宋六年

閏月庚辰 庚辰當作乙未 表

爲賀宋生日使 此下當加丙戌宋遣使來祈請詔不許

表

詳校一

至

與盜宮中物論同 論同北作同論是

十一年

辛卯
宋七年

以天水郡公旅櫬依一品禮葬於鞏洛

之原 宋史趙雄傳七年雄至金金世宗謂曰汝國捨
靖康帝靈柩而請鞏洛山陵何也如不欲靖康帝之柩
我當爲汝國葬之是也

高麗國覲

此上當加丁卯

表

覲元作覲是

徒單合嘉薨

嘉當作喜

己巳以尙書刑部侍郎 案下文夏生日使表云丁卯此

在丁卯前則非己巳也當爲丁巳或己未之譌

近侍局使 此上當加丁卯表

癸巳羣臣奉上尊號曰應天興祚欽文廣武仁德聖孝皇帝
集禮十月五日太尉李石表請南郊議上尊號不
允十一月二十一日復請之學士張景仁撰冊文待制
王彥潛篆寶

以習爲政 此下當加丁卯高麗表求封冊表

卷七

世宗紀中

十二年

壬辰
宋八年

河北河東山西陝西 山西元作山東

是

官長不法 官長當作長官

遣使來賀 此下當加夏使賀尊號

表

以陝西統軍使璋 使北作奴非

癸丑獵於近郊 丑下當加臘

十三年

癸巳
宋九年

三月癸巳朔萬春節 集禮閏正月十

三日奏請自來萬春節止斷屠宰一日今檢到宋會要

承天節禁屠七日乾元節三日今請萬春節禁斷三日

從之 案上文六年四月詔月朔禁屠宰十二月詔每

月朔望上七日毋奏刑名八年十月命山陵以朔望致

祭朔則用素望則用肉而此禁屠三日不書者紀略也

六月 案禮志六月二十三日奉安昭德后廟主紀略

以宿直將軍胡什賚爲夏國生日使 胡什賚表作崇肅
乃涉十四年文謫紀表二十一年八月胡什賚賀宋生
日宋孝紀作完顏寔或疑胡什賚卽崇肅一人二名非
也此人不見於宗室表與宗固子同名乃別一人

十一月 此下當加甲午表

十四年

甲午 宋 熙寧元年

甲辰上更名雍

集禮三月四日禮

部尙書張景仁進入更名典故五日宰臣奉勅旨檢擬
字樣十一日奏定於容切字命學士撰詔制曰天子之
名貴難知而易避人君之德當寬御以簡臨以其字有

於協音是使語涉於觸諱若因循而不改則過誤以誰
無朕甚憫焉期無犯者今更名仍令所司擇日告天地
宗廟社稷五嶽其舊名更不須迴避布告中外咸使聞
知

戊子以樞密副使 子當作寅

甚如有疾 甚元作其

十五年

乙未
宋二年

正月

此下闕

七月

案紀文自正月至

六月並闕今據志表傳等文攷補十三則於後

甲申朔 宋史歷志乾道九年局官言乾道十年頒歷十
二月已定作小盡十一年正月一日注癸未朔畢是月

崇天統元二厯算得甲申朔紀元乾道二厯算得癸未朔今乾道厯正朔小餘約得不及進限四十二分是爲疑朔更攷日月之行以定月朔大小推之當是甲申朔今厯官弗加精究直以癸未朔注正月切恐差誤請再推步於是俾皇甫繼宗監視皆以是年正月朔當用甲申十年十二月合作大盡請依太史局詳定之 案宋乾道十一年卽改元淳熙二年爲世宗是年乙未歲紀上七年十一月乙丑朔金人已不用紀元法況於三十四兩年日食加時先天之後乎則此朔與宋同無疑宋夏遣使來賀 案交聘表宋使蔡洸趙益夏使李嗣卿

白慶嗣至於高麗是年王皓被趙位寵之亂所遣生日
回謝橫賜回謝賀正旦進奉萬春節等使皆阻不通故
不書

詔五品職事官謝見皇太子 案顯宗紀當在正月

上如安州春水 案趙興祥傳安州春水召赴萬春節傳
不言月亦不知還都何日

新宮成 案曹望之傳及下文九月幸新宮云云知當成
於是月如再遲或違農作矣又此宮當爲城北離宮初

名太甯

十九年五月戊寅
幸二十年四月大

後更甯壽安

二十一年四月
壬申二十

三年四月壬戌二十六年四月己未二十八年三月
甲寅二十九年七月甲戌明昌二年四月辛卯並幸至

明昌二年四月庚子改名萬甯宮者地志云十九年建
謁

三月壬午朔始朝日 禮志朝日儀大定一年罷是年言
事者謂今正旦并萬春節宜定拜日之禮有司奉勅以
月朔拜日宜遵古制殿前東向拜詔姑從南向 案史
例雜儀不入紀此已廢而復舉者宜書重其始也

萬春節宋夏遣使來賀 案宋孝紀淳熙元年十二月壬
戌遣吳琚等賀金主生辰夏必同交聘表亦失載

冊長白山神爲興國靈應王 案禮志三月奏定封冊儀
物遣使詣會甯府行禮 王寂拙軒集有送張子固奉

命封冊長白山詩卽此

四月丙寅月食勅有司今後每遇太陽太陰虧蝕並免朝參案集禮四月十五日勅旨

戊辰大享於太廟禮志三月戊申奏安武靈皇帝及悼皇后前期一日奏告於太廟十一室至四月十七日夏享太廟同時行禮案紀上三年奉安睿宗行奏告禮紀例不書止書十月大享因仍之

五月上如金蓮川案烏古論元忠傳今夏幸景明宮紀下九月戊子至自金蓮川攷金人上陞率於五月故書七月丙申高麗奏趙位龍亂路梗不通請由定州入許之

案見交聘表

以南京留守王蔚爲參知政事 案王蔚傳拜參政懇辭

不許紀下十七年十一月罷而傳止書年不可以月

武靈時 當作海陵時

左丞相言 言當作辯

言及可喜等 言當作辯

皇姑梁國公主 公上當加大長

十六年

丙申
宋三年

二月庚寅皇子濬王 二月當爲丁丑

朔

莊嚴
寺牒

濬當作幽

永成
傳

三月丙午朔日有食之是日萬春節改用明日 集禮十

五年四月十五日勅旨今後每遇太陽太陰虧蝕並免朝參十六年三月萬春節職事官進到銀香合奉勅旨四品以下官並三品以上官依例交納

四月 此下當加大享於太廟

禮志

山東兩路蝗 當作中都河北山東陝西河東遼東等十路旱蝗 案此據五行志文改訂然下文十七年免租稅十路有西京無中都十八年再免有河南無西京皆不盡合

十七年

丁酉宋四年

三月辛丑朔宋高麗夏遣使來賀 朔

下當加萬春節 賀下當加以雨罷 歸潛志大定十

七年三月朔萬春節諸國使人入見而大雨作太宗伯張公問郭子通曰禮當何如子通曰哀公問孔子曰諸侯朝於天子而不得見者有四雨雪服失容一也張公曰此非使臣之事子通曰彼國主之來尙不得見況其臣乎少頃有勅放朝士大夫服其知禮

案郭子通神道碑李晏撰

大雨河決 此下當加白溝

志

八月 當爲戊辰朔

三清觀鐵盆記

壬申以監察御史 此下脫人名

朕甚惡之 惡之元作不取是

付烏古里石壘部蓄收 收當作牧

方許承襲

此下當加己卯祫享於太廟

志

十八年

戊戌
宋五年

正月丙申朔

案是年上拜日於仁政

殿始行東向禮紀略

壬戌如春水

案下文石城玉田皆有行宮時未立名故

不書地

次管壯

壯當作莊

爲橫賜高麗使

高麗當作夏國

案表下有謝使

及烏古里石壘部轉戶

案上文十七年正月西北路契

丹民戶其嘗叛亂者已行措置

此指濟州見
唐括安禮傳

其不與叛

亂及放良奴隸可徙烏古里石壘部令及春耕作十月

以羊十萬付烏古里石壘部蓄牧其滋息以予貧民卽此所賑之轉戶也十九年賑西南部民亦是

十月庚寅朔 宋厯志淳熙五年金遣使來朝賀會慶節

表正使張九思副使宗室崇蕭

妄稱其國厯九月庚寅晦爲己丑晦接

伴使檢詳邱宓辨之使者詞窮邱宓傳同案太宗紀天會十三年正月丙午朔宋作乙巳朔昭德后傳大定十九年十一月甲寅宋作乙卯朔此兩朔難詳也世宗紀大定七年十一月乙丑此宋依金朔十五年正月甲申此金同宋朔至太祖紀天輔元年十二月遼攷甲寅朔宋作戊申非哀紀天興二年九月癸卯朔宋作壬寅是

此兩紀互有刊譌皆與此不同攷是年宋孝紀十月辛卯朔下仍書辛亥金使賀生辰夫辛亥乃金朔之二十二日校宋朔光一日自爲會慶正節宋辛卯朔以壬子爲正節則金使仍不改金朔宋史志傳未免夸詞又攷能改齋漫錄云神宗元豐元年戊午閏正月而遼國閏在十二月議者以兩朝賀正爲疑臺臣言正朔爲大賀正爲小兩閏不同不過本朝之使先期賀正於彼彼國之使後期賀正於此料彼必不肯改以就此則本朝亦豈得改而就彼乎據此則知兩國使人各用本國閏朔固舊例也又攷玉海云淳熙五年推九月庚寅晦北使來賀

會慶節者仍巳丑晦也卽此

近間趙承元何故再任 間元作問是

除名而復用也 復元作後非

十九年 巳亥 宋六年 巳酉以升耐閔宗 此上當加戊申有

事於太廟 世紀補 樂志

癸未還都 都北作郡非

二十年 庚子 宋七年 詔有犯罪 有元作月非

詔徙遙落河移馬河兩猛安 兵志在二十一年三月

巳亥河決衛州 案河志不言何月下文有秋霖暴漲必
不在冬季水涸之候紀書於十二月似謬

辛丑獵於近郊 丑下當加臘

卷八

世宗紀下

二十一年

辛丑
宋八年

貧不能糴者貸之 貸北作貸非

鄭達卿 達北作大非

三祖三宗 當作二祖二宗

志

杖一百 一元作二

爲夏國生日使 案紀自九月至十二月皆闕天文志同

月食一條別見 今攷補三條於後

九月水災免中都路租 案此据食志補

十一月以魏貞吉等爲賀宋正旦使 案此据宋孝紀補

以□□□爲高麗生日使 案此依紀例補

二十二年 壬寅 宋九年 此下當加正月壬申朔宋高麗夏遣

使來賀 案紀闕正二月事今依紀例補

放良人奴 人元作之是

右丞相致仕石琚薨 致仕石琚當作唐括安禮 薨下

當加以平章政事烏古論元忠爲右丞相 選志本傳 又當

加以南京留守移刺道爲平章政事 本傳 案紀例宰相

致仕不書薨訖石烈良弼傳云致仕還鄉卒而紀仍書

薨於十八年六月例似不同不知紀於良弼左相未經

書罷故用在任例薨此文竟明言致仕有是理乎審之
乃史官錄本失去唐括安禮薨事而見琚薨亦在是時
遂添入致仕二字以填四字空格而不知其非例也攷
上文十八年八月以右相完顏守道爲左相是良弼在
任書薨之證此年右相乃烏古論元忠以平章進補者
紀文脫耳攷下文二十三年之罷卽得此安禮在任書
薨之證也 又元忠道二條無月可攷故連綴於後

子慎思

此下當加十六

徒單
貞傳

癸丑獵近郊

丑下當加臘

獵下當加于

二十三年

癸卯
宋十年

以尙書右丞張汝弼攝太尉致祭于

至聖文宣王廟 集禮省差直學士呂忠翰充亞獻待
制任倜充終獻 又二十二年十二月十三日奏立宣
聖廟碑亦見集禮紀略

辛丑更定奉使三國 此上當加四月

五行志

六十以上者 此上當加詔致仕官年

不以任數多少 以北作論

以同簽大宗正事 正北作政非

婆盧大等 大元作火是

自以不道 不元作失

二十四年

甲辰 宋

在城隨闕 闕當作關

不以文德感之安能復於古也 之元作化 安元作不

二十五年

乙巳 宋十二年

正月乙酉朔

此下當加上在上

京 案海紀天德二年正月以遣還三國賀使故不書

朔是年權停三國賀使亦可不書朔若書朔不應無文

直接丁亥字

移置於率督畔窟之地以實上京 窟元作宙 京下當

加丙寅封混同江神爲興國應聖公

集禮十三日

補一官 此下當加癸酉封護國林神爲護國嘉蔭侯

集禮

二十日

甚欲成醉 成北作沈非

慷慨悲激 激北作咽非

次天平山好水川 當作次撒里乃地改名曰天平山好

水川 志

人胷中明暗 人北作其非

不許用網及速撒海 案速撒海國語解物象失載未詳

以西夏小邦 夏北作下非

二十六年

丙午 宋十三年

但令稍通古今 令北作今非

前一親軍 前北作爾是

幸永安宮 永當作壽

以客省使李磐 黃圖雜誌云金明威將軍同知宣徽院

事上輕車都尉隴西郡開國伯食邑七百戶李磐神道碑其文中順大夫同知中都路轉運使輕車都尉廣陵郡開國伯食邑七百戶高德裔撰并書磐字仲安玉田人墓在縣城東北案寰宇訪碑錄碑乃明昌三年立又瑋傳磐卽大興少尹李天吉子族帳部曲錄李天吉燕人姿豐美長爲大興尹葛王立除刑部侍郎卽位者奉表如東京賀世宗

北京轉運使以賊除名使下脫人名

九月庚子九月當削案下文重見九月

參知政事馬惠迪曰至欲不使再窺邊境耳四十九字

當削 案文與馬惠迪傳複

以刑部尙書 刑北作邢非

庚申立右丞相原王璟爲皇太孫 集禮十一月十七日
制云蓋天下大器可不正其本興而世嫡皇孫所謂無
以易者是也

二十七年 丁未 朱十四年 升爲令 升北作永非

皇太孫受冊赦 集禮二十六年十二月七日差撰冊文
并書篆冊寶官二員右諫議黃久約修撰党懷英 案
王寂拙軒集丁未肆眚詩卽此

而不舉忠正之人 不北作特是

丁丑獵於近郊 丑下當加臘

二十八年

戊申 十五年 宋

三月丁酉朔萬春節 全真教祖

碑云世宗知重陽王先生道德高明二十八年二月遣使訪其門人應命者邱處機王處一也命邱主萬春節醮事職高功五月見於壽安官長松島講論至道聖情大悅命居於官庵又命塑純陽重陽丹陽三師像於官庵正位邱屢進詩曲其詞備載蟠溪集中八月懇辭還山

命隨朝六品外路五品以職事官 以下當加上

補充學士院職任 任北作仕非

命建女直大學 大當作太

以薦房使崇夔 房當作坊 表

安武軍節度使 此上當加丙申 表

禁糠禪瓢禪 耶律楚材湛然居士集西游錄序西域九

十六種北方毘盧糠瓢白經香會之徒釋氏之邪也

張昱輦下曲肩垂綠髮事康禪淡掃蛾眉自可憐出入

內門妝飾盛滿宮爭逐女神仙 案此習至蒙古始盛

以改葬熙陵 陵當作宗

二十九年 已酉 宋 三月辛卯朔上尊諡 禮志作四

月乙丑

金史詳校卷一

烏程汪曰楨校寫於會稽開元寺